



弇州山人四部稿卷之一百六十七

吳郡王世貞元美著

說部

宛委餘編十二

姓有百家有千家若千家則姓苑所不載者多今據古人所有而頗僻者記之

東舜七友東不訾○冬燕司馬冬壽○同前涼將同善○桐桐君○僮漢交趾刺史僮尹○彤周彤伯○佟音同北燕佟萬○蓬北海蓬球○駸鄭大夫駸蔑○叢南唐叢鐻○從漢將軍從成公據史記從公也○

鴻左傳衛大夫鴻聊騫○風黃帝時風后○艷狄相
艷舒○逢齊將逢丑父○松隋松贊○嵩史記嵩極
玄子○克孟子弟子克虞○中秦辨士中期○終漢
謁者終軍○戎姓苑戎律○戎漢柳丘侯戎賜○蟲
漢曲成侯蟲進○種音後漢司徒種暠○庸漢將庸
光○容徐大夫容居○公漢主爵都尉公儉○功晉
功景○宮虞大夫宮之奇○弓唐狀元弓嗣業○邛
周封人邛疏○崇唐進士崇頴○儂宋賊儂智高○
雄舜友雄陶○脂中大夫脂習○蕃漢北海蕃莊○
詩後漢徵側夫詩朱鳶○尸齊相尸臣漢又商鞅師

尹佻○師漢善書師宜官○彫宋人彫班○斯吳剡
縣吏斯從○茲魯大夫茲無還○茨晉人茨芑又漢
桂陽太守茨先○遲古賢者遲任○卑漢北平太守
卑躬又後漢太傅掾卑整○裨鄭大夫裨諶○麋蜀
將軍麋竺○儀齊大夫儀楚○宜左傳陳大夫宜咎
○移漢弘農太守移良○怡周人怡峰本姓默改為
怡○其漢陽阿侯其石○旗漢九江太守旗光○岐
黃帝時岐伯○綦漢將軍綦雋○其音宋三司使_其兀
贊○僖魯大夫僖負羈○希三輔決獄希海○猗秦
猗頓○惟後魏桓皇后惟氏○肥趙相國肥義○賁

音肥期思侯賁赫○飛商臣飛廉○非風俗通非子○

非音斐○晉人斐豹○犀魏相犀武○提晉臣提彌明○

兒漢御史大夫兒寬○釐後秦釐豔○離離晏○芴

音黎刁達之後避難改○幾韓大夫幾瑟○箕晉大夫

箕鄭○稽秦人稽黃○彌魯大夫彌牟○餘晉人餘

領○孟晉人孟丙○邗漢上谷大守邗侯○史晉大

夫史駢○輿後魏輿珍○紆後秦始平侯紆邈○盱

集仙傳盱烈○俱鎮北將軍俱起延○駒漢驥侯駒

幾○渠左傳御人渠孔○璩唐進士璩抱朴○絢宋

進士絢紡○遽衛賢大夫遽瑗○須魏大夫須賈○

苴漢貨殖傳平陵苴氏○沮黃帝史官沮誦○爰舜

時爰斯音鏘○洙音殊宋進士洙頎○如魏陳郡丞如淳

○絮女居切漢捕賊掾絮舜○鉏晉人鉏麇○塗漢諫

議大夫塗禪○壺漢上大夫壺遂神仙傳壺公○狐

晉大夫狐偃○辜宋進士辜甫○呼漢仙人呼子先

○吾漢廣陵令吾扈○烏齊大夫烏鳴枚○初宋賢

良初房○芻牛哀病而化虎其後改為芻氏○疏漢

太子太傅疏廣少傅疏受○扶漢廷尉扶嘉○苻秦

主苻洪○巫漢冀州刺史巫捷○母唐右補闕母嬰

音炯○懷漢尚書郎懷叙○開齊大夫開府○哀新國

將哀章○臺漢侍中臺崇○萊晉將萊駒○來後漢

功臣來歙○媯音圭文士傳媯覽○邾孔子弟子邾巽

○注音圭漢大鴻臚注丹○危唐刺史危仔昌○纍晉

七輿大夫纍虎○邳漢將軍邳彤○丕晉大夫丕鄭

○枚漢大夫枚乘○騅晉大夫騅歎音船○眭音雖漢人

眭夸○為漢南郡太守為昆○夔石燕太保夔騰○

梧音裴漢卜者梧塑○真漢太尉長史真祐○神漢騎

都尉神曜○仁漢彭城仁氏○賓齊大夫賓須無又

賓媚人○頻漢酒泉太守頻暢○鱗宋大夫鱗朱○

芸晉大夫芸賢○云漢諫議大夫云敞○鈞漢侍中

鈞喜○勤魯大夫勤戍○閻廣平閻氏○忻五代進

士忻彪○郇王莽時郇越○綸魏臣綸魚○芬晉大

夫芬質○渾鄭太守渾罕○昆齊吳士昆辨○賁音奔

魯有賁浦漢有賁光○盆齊大夫盆成括○門後魏

門文愛○屯蜀法部尚書屯度○敦衛醜人敦洽○

恩慕容燕東庠祭酒恩茂○根六國時根牟子○寒

後漢博士寒朗○干宋大夫干犖○瞞左傳司徒瞞

成○鼗音鑽漁陽賢鼗授○欒晉卿欒書○環楚賢士

環淵漢河東太守環饒○郇音環唐男子郇模○管音奸

唐河東節度使管崇○簡音奸漢淮南王將簡忌○蘭

漢武陵太守蘭廣○睨音開史記濟南豪滑睨氏○丹

晉大夫丹本○但音壇漢濟陰太守但巴○先晉大夫

先軫○鮮蜀司空鮮思明○吞音天漢臣吞景雲○錢音箋

商大夫錢鏗○縣音齊歌者縣駒○顛晉將顛頡○

堅漢揚化將軍堅鐔○牽晉將軍牽秀○騫吐谷渾

博士金城騫包○弦鄭商人弦高○延漢京兆尹延

篤○言孔子弟子言偃○涓列仙傳涓子○縣吳中

書令縣點○淵齊大夫淵湫○然鄭大夫然明○纏

漢纏子○軒漢諫議大夫軒和○虔莊子有虔天根

○便漢少府便樂成○還音旋左傳還無社○泉唐右

衛大將軍泉獻誠○專音齊卿專諸專一作鱒○轅陳大夫

轅濤塗○爰音袁漢爰盎○棧音漢語兒侯棧終古○原

孔子弟子原憲○源魏司空源賀○垣漢西河太守

垣恭○拳衛大夫拳彌○權唐權德輿○蛸南齊武

帝改巴東王子嚮為蛸氏○雕漢列侯雕延年○貂

齊臣貂勃○條冉閔司空條攸○僚晉大夫僚安○

聊漢侍中聊倉○要音吳要離漢河南令要競○鄒音曉

孔子弟子鄒單○椒楚大夫椒舉○超漢太僕超喜

○招漢大鴻臚招猛○昭楚大夫昭奚恤○朝唐拾

遺朝衛○堯後漢大司農堯暄○搖漢海陽侯搖母

餘○鈿音姚後漢衛尉鈿期○膠商相膠鬲○庶音秦

將軍庶玉漢庶宣○巢楚大夫巢牛臣○阜越大夫

阜如○桃石趙將桃豹○勞漢瑯耶勞丙○牢漢石

顯黨牢梁○娥後魏將軍娥清○後音多漢後宗○佗

音他漢游俠傳佗羽○那西魏刺史那椿○過漢兖州

刺史過栩○繁音潘漢御史大夫繁延壽○巴後漢揚

州刺史巴祗○把音爬西魏梁州刺史把秀○挈衛臣

挈錯○瑕周大夫瑕禽○嘉周大夫嘉父○衙晉督

護衙傅望○花唐員外郎花季睦○余唐博士余欽

○蛇後秦姚萇后南安蛇氏○芳漢幽州刺史芳垂

敷○襄後漢刺史襄楷○槍趙歌者槍石○將後趙

常山太守將容○商孔子弟子商瞿宋進士商夷簡

○昌漢將軍昌豨○穰齊大司馬穰苴○雙後魏將

軍雙仕洛○萇周大夫萇弘○羌晉將軍羌迪○棠

齊大夫棠無咎○郎唐霍王參軍郎餘令○狼晉大

夫狼曠○琅齊大夫琅愛○囊左傳楚令尹囊兀○

傍唐初有羌豪傍企○逢音旁古善射逢蒙○芒魏相

芒卯○倉黃帝史官倉頡○蒼漢江夏太守蒼英○

印漢御史大夫印祗○鄺音荒廬江人今臨淮有此姓

○皇魏善書皇象神仙傳皇初平○庚唐太常

廣

博士庚季良○更魏臣更羸○恒楚大夫恒思公○

衡唐金部郎中衡守直○弘衛大夫弘演○閔漢幸

臣閔孺○備音朋漢南山盜備宗○瓶漢太子少傅瓶

守○明宋祭酒明山賓○鳴晉大夫鳴犢○冥漢丞

相史冥都○經晉人經曠○營周卿士營伯漢京兆

尹營部○訇音轟關中流人訇琦○青趙義士青莽豫讓

友○聲左傳蔡大夫聲歸生○征宋進士征復○徵

吳太子率更令徵崇○承漢侍中承宮○城戰國臣

城渾○稱漢新山侯稱忠○冷韓大夫冷向漢四望

侯冷廣○靈晉餓人靈輒漢功臣靈常○羸秦姓也

漢有羸公治○星羊續妻星重女○登後漢左馮

翊登道望○騰梁孝行騰曇恭○繒漢列侯繒賀○

郵漢郵長倩○由秦大夫由余○猷衛臣猷康○摻

音鳩漢功臣摻廣德○求漢隱士求仲○攸燕尚書攸

邁○舟晉大夫舟之僑○媯衛嬖人媯始○州衛大

夫州吁晉大夫州綽○脩漢屯騎校尉脩炳○秋宋

中書舍人秋當○不音浮晉汲郡人不準○彪衛大夫

彪夫○區音甌漢中郎區博○句音鉤史記句彊○緱陳

留緱氏女○投漢光祿勳投調○翫奴切梁四公翫

杰○侵漢扶風太守侵恭○尋晉人尋魯○鄆周大

夫郭昉○音尋蜀太常鐔丞○箴衛大夫箴莊子○

謀陶侃母謀氏○參唐進士參開○音琛柳音琛晉江夏柳

寶○臨趙秦州刺史臨深○琴魯人琴張○禽禽滑

釐墨翟弟子○聃宋臣聃啓○嵐梁四公嵐音嵐闖音闖作蜀

音攜闖珠音去聲○郊春秋郊子○僂周大夫僂翩○藍中山

大夫藍諸○函漢豫章太守函熙○音帆汎漢汎勝之

晉汎毓○鹽北海相鹽津○潛宋進士潛有成○苦

魯家臣苦夷○黔古黔敖○音錘鍼音錘秦大夫鍼虎○鞏

晉大夫鞏朔○子魯叔孫車士子鉏商○梓魯大夫

梓慎○音訾漢樓虛侯訾順○始秦軍侯始成○市漢

淮南中郎市佩○氏五代梁將氏延賞○是吳是儀

○音蟻蛾音蟻晉大夫蛾析○音擬錡音擬漢錡華後漢錡嵩○倚

楚史倚相○被戰國大夫被瞻○似新章功侯似豐

○侯古賢人侯子○尾戰國信士尾生○洗隋譙國

夫人洗氏○邱漢上郡太守邱社○禮衛大夫禮孔

○理殷大夫理徵○里晉大夫里克○音尼禰音尼後漢

禰衡○已漢太常卿已茂○杞齊杞植○啓燕將軍

啓倫○弭王莽時弭彊○音芊芊音芊秦襄王母芊太后○

圉春秋大夫圉公陽○禹齊禹氏女○羽鄭大夫羽

頡○音翊翊先賢傳翊氏○音莒莒漢維氏令莒誦○音矩萬音矩漢

游俠萬章○巨漢荊州刺史巨武○豎鄭大夫豎拊
 ○主主父偃○柱列子有柱厲叔○處漢北海太守
 處興○旅漢昌平侯旅卿○汝晉大夫汝寬○序後
 漢序淵○莽音母漢重合侯莽何羅○堵鄭人堵敖叔
 ○虎漢合浦太守虎旗○苦漢會稽太守苦灼○古
 蜀功曹古牧○戶漢有男子戶尊即○扈趙將軍扈
 輒○所漢大夫所忠○楚宋上將軍楚昭輔○府漢
 司徒掾府悝○輔晉大夫輔躒○改秦大夫改產○
 亥晉賢人亥唐○藹齊南海太守藹煥○采漢將軍
 采皓○委漢太原太守委進○寫音委魯大夫寫氏○

闖音委國語闖大夫○蕪音委晉大夫蕪伯韋○遂音委楚

大夫遂子馮○隗危上聲漢西州上將隗囂○壘趙將

壘澄○鬼五帝相鬼臾區○隱漢河間太守隱翁○

付魯臣付巳○罕鄭卿罕虎○晏音緩晉西中郎將晏

清○滿魏滿寵○棧濕上聲魏任城棧潛○簡魯大夫

簡叔○亶後漢謁者亶誦○散周大夫散宜生○扁

便上聲神醫扁鵲○勉漢上郡太守勉昂○免衛大夫

免餘○典魏校尉典章○顯周卿士顯甫○雋全上聲

漢京兆尹雋不疑○善唐博士善興望○展魯大夫

展禽○蹇秦大夫蹇叔○蹇宋進士蹇綬○圜秦圜

稱○卷陳留太守卷基○蛎音老子弟子蛎淵○苑

齊大夫苑何忌○偃漢偃恭○匱漢匱皇后○矯晉

大夫矯文居○矯音漢人矯慎○繞秦大夫繞朝○

犀音趙大夫犀賈○佼後漢山陽盜佼強○保周文

王傳保申○棗後漢學士棗據○老宋臣老佐○道

楚大夫道朔○我六國時處士我子○假漢假倉○

冶衛大夫冶塵○養楚廐尹養由基又孝子養奮○

彊後漢諸生彊華○掌涼將軍掌據○仇音梁四公

仇音啓又孟母○壤孔子弟子壤駟赤○蕩宋大夫

蕩意諸○黨魯大夫黨氏○党宋太尉党進○猛晉

大夫猛獲○冷徐州刺史冷道○丙漢丞相丙吉○

邴晉大夫邴預○潁鄭大夫潁考叔○永列仙傳永

石公○幸晉術士幸靈○省宋大夫省臧○井周大

夫井利○有孔子門人有若○友後漢美人友通期

○酉魏人酉牧○醜後漢醜長○鈕晉人鈕滔其母有文

○糗漢羸長糗宗○臼宋家人臼任○斜倫上聲五代

處州刺史斜滔○后漢少府后蒼○郈魯大夫郈昭

伯○後五代飛龍使後贊○苟衛將苟變○耦後漢

侍中耦嘉○審漢歷陽侯審食其○咎宋宣徽使咎

居潤○啖苻秦將軍啖鐵○減漢司隸校尉減宣○

湛漢司農湛重○奄秦大夫奄息○冉孔子弟子冉
耕○染石勒將染閔○歛姚秦將軍歛憲○檢漢句
章尉檢其○鳳僊人鳳網○貢漢貢禹○用漢高唐
令用蚪○痛周改盛姬族曰痛○眾魯大夫眾仲○
摯後漢貨殖傳摯綱○士秦大夫士會○貳後秦平
陽太守貳塵○肆漢漁陽太守肆敏○駟漢列侯駟
鈞○智漢零陵太守智嗣○義漢內史義縱○刈宋
人刈懷○騎燕將軍騎劫○祕秦僕射祕宣○邾鄆
漢九江太守邾脩○敝齊人敝無存○次春秋勇士
次非亦曰次飛○懿秦吏部郎懿橫○世秦大夫世

鈞○棟新司馬棟竝○利漢列侯利幾○厲漢魏郡
太守厲温○薊後漢山人薊子訓○計越相計倪○
既漢安南長史既諒○冀晉大夫冀芮○御魯大夫
御叔○遇漢河內太守遇冲○豫晉義士豫讓○譽
晉平原太守譽粹○諭東晉人諭歸今改○孺魯孺
悲○具漢中山太守具褒○樹宋諸司使樹滋○鑪
楚大夫鑪金○布晉江夏布興○步吳丞相步騭晉
步揚○捕漢廣宗人捕巡○錯宋太宰錯居○度後
漢荊州刺史度尚○露漢上黨都尉露平○瓠古琴
師瓠巴○庫漢輔義侯庫鈞○附唐侍御史附得意

○務堯臣務成子○代漢京兆尹代武○賴漢交阯

太守賴先○能音奈唐京兆尹能延壽○佴音奈晉人佴

湛○介晉臣介之推○噲孝子噲鵠○夔音帶新中常

侍夔暉○帶戰國帶佗○祭音債後漢二十八將祭遵

○類宋寧德尉類演○貝晉術士貝靈該○翠漢人

翠鴛鴦○銳燕御史中丞銳管○鄒宋進士鄒士隆

○貴漢廬江太守貴遷○桂炅吞炅後漢城陽炅橫

四子分姓皆音桂晉吞道元○蕢孔子弟子蕢晴○

會漢武陽令會栩○謂宋進士謂準○稅宋進士稅

挺○印鄭大夫印段○慎韓大夫慎到○進漢小黃

進儉○藺趙卿藺相如○論秦將軍論叔達○奮

楚司馬奮揚○員音運唐刺史員半千○頓漢人頓肅

○翰晉大夫翰胡○汗楚客汗明○馭音汗孔子弟子

馭臂○杆漢輶執同講侯杆勝○犴音岸漢睢陽人犴反

○貫漢趙相貫高○觀去聲楚大夫觀起○灌漢丞相

灌嬰○爨蜀交州刺史爨琛○諫漢治書侍御史諫

忠○炭漢西京炭蚪○蔓楚臣蔓成然○賤漢北平

太守賤瓊○練宋進士練定○繇音戀漢南郡太守繇

祕○獻秦大夫獻淵○建趙幽王臣建德○戰漢諫
議大夫戰兢○照周臣照煎○召音邵漢南陽太守召

校音唐河南士曹校傑○貌齊臣貌辨○淖

楚將淖齒○郃晉高昌長郃玖○暴漢御史大夫暴

勝之○操隋大盜操天成○漕漢任俠漕仲叔○到

後漢東平太守到質○嫪秦幸臣嫪毐○磨子思出

母磨化○霸益部耆舊傳霸栩○射漢大鴻臚射服

○望宋進士望儼○相後漢馮翊相雲○暢唐詩人

暢當○諒漢洛陽令諒輔○寔姚秦將軍寔耐虎○

浪晉青州將浪逢○伉漢中大夫伉喜○亢宋亢軫

○慶齊大夫慶封○姓漢富人姓偉昔人有以姓氏

對星星者○靖唐陳留八俊靖君亮○乘漢儒林乘

私○正魯上卿正考父又魏永昌太守正帛○令漢

中大夫令免○甯衛大夫甯武子○救漢諫議大夫

救仁○繡漢游俠繡君賞○壽新兖州牧壽良又吳

大夫壽越○鬪楚大夫鬪伯比○豆後魏將軍豆代

田○句音蜀左將軍句扶○闕齊大夫闕止○監宋

進士監長世○念西魏太傅念賢○玉音肅與寶後

漢大司徒王况○肅梁西豐侯肅正德○粟後漢魏

郡太守粟舉○僕後漢渾渠侯僕朋○沐漢東平太

守沐寵○牧漢越雋太守牧稂○木晉文人木華○

禿祝融後諸侯禿氏○鹿漢太守鹿旗○淶顓頊師

淶顓頊師

涿圖○逮漢大司馬逮竝○東晉束皙○腹趙武靈
王臣腹擊○處孔子門人處不齊○服後漢九江太
守服虔○復漢宣帝師復仲翁○鞠漢太傅鞠武○
觸趙左師觸龍○郤音旭漢東海太守郤熙○燭秦大
夫燭之武○竹漢下邳相竹曾○竺後漢擬陽侯竺
晏○鬻周文王師鬻熊○縮魏安陵義士縮高○麴
晉司空麴允○督漢五原太守督瓊○續舜友續牙
漢承父侯續相如○郅漢中尉郅都○質漢貨殖傳
質氏○室宋諸衛將軍室种○帥音率晉尚書郎帥曷
○悉神農師悉清○漆宋郎中令漆凱之○佛音彌魯

中牟大夫佛盼○密漢尚書密忠○粟漢景帝粟士
人○乙燕護軍乙逸漢南郡太守乙世○姑后稷元
妃姑氏○恤魯大夫恤由○尉音鬱秦國尉尉繚○勃
梁改豫章王為勃氏○骨隨京兆丞骨儀○薩元學
士薩天錫○筮宋進士筮深○滑衛大夫滑羅漢詹
事滑典○髮漢東海髮福○洩鄭大夫洩駕○滌古
賢士滌子○齧堯時賢人齧缺○揭元學士揭傒斯
○闕漢荊州刺史闕翊○別宋京兆別全○列周列
禦寇○悅慕容燕將軍悅綰○謁漢汝南太守謁渙
○桀論語桀溺漢襄城侯桀龍○鐵隋將軍鐵士雄

○厥漢宮人厥氏○折宋學士折彥質○舌越大夫
舌庸○頡古賢頡衛○藥後漢南陽太守藥崧○樂
燕將樂毅○約古賢人約續○索晉尚書索靖○作
漢涿郡太守作顯○恪晉郎中令恪啓○角後漢角
善叔○嬰唐黃州刺史嬰璋○閣唐潭州鎮將閣輔
奴○洛魏宦官洛齊○博古相馬博勞○鐸晉大夫
鐸遏寇○鄂漢安平侯鄂千秋○卓漢太傅卓茂蜀
卓王孫○濁貨殖傳濁氏○濯古賢人濯輯○伯孔
子弟子伯虔○帛漢將軍帛敞○格漢東平相格班
○革漢煮棗侯革朱○號晉大夫號射○國宋進士

國宗元○笨漢廣陵笨融○昔漢烏傷令昔登○枿

音昔齊大夫枿歸父○錫漢交阯太守錫光○夕蜀尚

書令夕斌○音音頤漢北海太守盛偉姓也避諱改盛

○職漢山陽令職洪○食漢博士食于公○射音石吳

中郎射慈○直漢御史大夫直不疑○易齊臣易牙

○音音麩梁四公麩端音音○弋宋進士弋子元○翼漢

諫議大夫翼奉○勅後燕合浦公勅勤○辟音音漢富

人辟子方○激漢淮南激章○棘衛大夫棘子成○

劇燕大夫劇辛○郤晉大夫郤克○糴晉大夫糴茂
○力黃帝相力牧○卽漢單父令卽費○特晉大夫

特宮○勒晉騎督勒滿○墨孤竹君墨允宋賢人墨
翟○習晉中郎習鑿齒○襲晉隱士襲玄之○隰齊
大夫隰明○集漢外黃令集一○合宋合左師即向
成也合諸侯故以氏焉○蓋音蛤漢司隸校尉蓋寬饒
○甲鄭大夫甲石甫○郊鄭大夫郊張○接漢賢人
接昕○捷漢藝文志有捷子○涉晉大夫涉佗○莢
晉大夫莢成僖子○鄴漢梁令鄴鳳

明興起科甲或顯位而姓稍僻者○東御史郊族甚盛

○佟知府應龍又都督登○叢尚書蘭○衷副使貞

吉本姓哀賜改衷○師尚書達○飛郎中瀑○居同知守○

塗中丞澤民○涂布政觀○屠太保瀟勳族甚盛○吾

侍郎紳○危推官嶽○睦給事燁○葵同知璧○門

錦衣達○干進士有年○軒尚書輓○馮侍郎懋卿

○勞進士遜志○過進士鶴○戈尚書瑄○花編脩

綸東丘侯雲○余按察敬中族頗盛○昌郎中應時○

雙進士鳳鳴○裘叅政壤御史仕瀛○區叅政越○

藍御史田○潛副使溟○拱進士廷臣○水進士桓

○洗侍郎光○底中丞蘊○主給事理○汝知府泰

○土進士良卿○虎太學臣○古知府文炳戶部之

賢○鄔駙馬景和憲副紳○作主事瑜○海中丞瑞

○惲蘊上副使魏叅議紹芳○洗主事桂奇○蹇少

師義○苑郎中囿○火同安侯真山後姓○仰布政

昇○党中丞以平○冷太僕起元○鈕副使清○後

經歷鎧○苟御史汝安○咎御史如思○湛尚書若

水○甕知府蕙○秘知縣自謙○世尚書家寶○計

郎中宗道○冀郎中國○賴憲使巽○柰通政使亨

○介副使一清○貝進士秉彝○貴進士仁○順進

士境○頓主事銳○郜中丞光先○暴尚書昭○操

給事守經○鈇知府介○夜光祿珠○况僉事照叅

政叔祺○闕知府繼羽○福都督時○漆進士汝翼

○蔚尚書綬族頗○忽大城鳴○笄給事東光○達

副使其道○僕音尚書斯○揭侍郎稽○闕禮部成

章○鐵尚書鉉○黑運判禧○墨侍郎麟○戢少叅

汝止○及侍郎宦○郊副使鼎○此外又有南陽慶

又地又植又駢又賽又圓六安奴穀城係鄖陽樹宜興

堵浙川多平利淡山陽拜均州長廣西老竹溪皎耀

州茶如臯冒南昌錙杭州耳蘄州戰南昌辜保康緩

鄧州帥又歲麻城閭商州荔尉氏腰信陽邠洛南騫

均州處唐縣喜杞縣閔內鄉閏新鄭無松滋鎮又粟

襄陽生松滋負宜都覃裕州練又剛荊州祥沔陽曠

卷之二百六十七
世經堂列

褒城但忠州伯寧羗凡又位白河普黃縣呼城固即
南召鶯唐縣靄鄖西庫晉州秘葉縣保安塞野萬全
亢鎮平件陝西倚廬陵維內鄉盈鎮平重高安洛江
都喜寶豐完夷陵望又稅唐縣興公安尚懷慶反祥
符念解州介和順可大名靖鎮安乙又草翼城續大
約與古姓不能相當至於古帝王后妃公侯之族如
子媯汭妣姑羸已禿妘斟芊亦鮮存者

堯姓祁其後為唐為劉為韋為范為士為伊祁豕韋
唐杜舜姓姚其後為媯又為陳為田為穰為威為法
為王為袁為轅為占為息為陸為司馬為胡毋為顓

孫子獻子鞅子芒子尚子禽子輿子寤子沮子夏子
宋第二第五第八禹姓妣其後為夏為啓又為杞為
嵇為夏侯為於越為獯鬻湯姓子其後為商為殷為
湯為甲為沃為槐又為宋為箕為正為祿為乙為奐
為微為衍為華為孔為靈為邊為向為合為牛為樂
為皇甫為事父武王姓姬其先為稷為鞠其後為管
為周為林為忌為祭為謀為毛為邢為胙為茅為樊
為甘為王為原為邴為霍為朝為狐為謝為丘為聃
為郚為雍又為魯為臧為郈為孟為叔為季為展為
柳為施為為為衆為家為士為孟孫為叔孫為季孫

為臧孫為瑕丘為公父為公之為公石為少施為子
服為子陽為子家為王父為子揚為子孟為子我為
子仲為意如為南又為晉為邗為應為韓為樂為郤
為苦為溫為祁為隼為曲為步為荀別為中行為智
為輔為續為羊舌為叔向為樓季為大戊為大玠為
梁其為夷吾又為衛為甯為元為常為汲為孫為彌
為析為右為南為輒為兼為子郢為王孫為賈孫為
公析又為畢為原為酆為郇為馮為魏又為蔡又為
吳為壽為季為慶忌為延陵又為鄭為段為游為國
為駟為印為罕為良為羽為豐為蘭為然為伯有為
子豐為子然為去疾為東里又為虞又為曹又為滕
又為號又為召為燕又為韓為橫為蘭為龐為閻為
梁垣為董為明為子臧

齊姜姓亦呂其後為隰為望為尚為桓為懿為厲為
孝為崔為慶為賀為盧為棠為檀為丘為高為柴為
駱為左為將具為子旗為子乾為子工為子泉為子
襄為子雅為子尾為大陸為雍門為東郭為於陵又
為許為三苗

楚芊姓其後為鬻為熊為成為鬪為班為潘為囊為
孫為昭為屈為景為俞豆為若敖為伯比為子西為

子庚為子趙為子期

秦嬴姓其後為衙為李為裴為棗為繆為樗里為飛廉為高陵其別為莒為葛為趙為馬為主父為叔帶此僅二帝三王五伯之後其他可以類推矣後世之議婚者寧能不相犯也

世之改姓氏如莊為嚴殷為戴恒為元奭為盛以義改也理為李求為仇舅為咎籍為席弘為洪朝為晁以音改也棘為棗疎為束仲為种槩為暨熊為能鄒為曾慎為真劉為金胙為作敬為文為苟以字改也蔓落如莘橋邾郕鄆鄫郛郇隨藤為萬洛似辛喬

朱兒會章背成召隋滕合音與字而改也亦有因一事為萬世不易之姓田千秋乘小車改為車謝服出征改射氏儀以民無上改為是劉遵考以忠諫比伍員改為員猶有源流可攷逃難山谷強氏曰潛遂失本姓一姓改為數姓者如吳橫四子守墳墓者為吳居徐者為春居幽者為桂居華陰者為快此四姓同一吳也勾姓本避高宗諱勾濤則仍字更音鈎光祖則加金絢紡則加絲苟謀則加草句思則易字勾龍如淵則加龍此六姓同一勾也後世婚姻何自而辯又有因二音而訛者員音運俞勅救反葉音攝今從

正音甄音堅宣和唱名以堅呼之不應訛為真矣繆或為穆遂成二姓豈源流之固異耶複姓多北人而中國望族不可以義通者乃因所居而增諸葛則諸縣之葛申屠則屠原之申母胡則母丘之胡閭丘則頓丘之間所謂同門而異戶也

江左門高故稱王謝其次則顧陸朱張梁武以此速侯景之叛淮北則推崔盧李鄭崔浩宗雖滅而貴不衰隴西之李居次唐文皇以人主之勢發忿而望不益江左見併於隋故王謝小滅瑯琊之王初在太原上而隋唐之際太原漸貴至宋益貴是亦乘除之數

也雖然謝那得比王王自瑯琊太原為周靈王太子後北海陳留為齊王田和後東海亦自姬姓天水九姓為王子比干後高平京兆為信陵君後又有出自楚威王後者而謝無聞也王於義大也君也天地人一貫三為王而謝義辭謝也又凋謝也王氏二十一望而謝二望王氏母論漢即未渡江以前而為公卿著名者十餘人謝固寥寥也始興輦路之勲與廬陵雍容之業又倍蓰也謝安得比王

張王李趙皆黃帝所賜姓也元承相伯顏請殺張王劉李趙五姓漢人不許蓋亦以其多耳王氏二十一

望最貴者瑯琊太原也謝二望會稽為貴崔二望清河博陵俱貴清河遭崔浩禍者也盧氏一望范陽李氏十一望趙郡最貴隴西次之唐即隴西望鄭五望滎陽為貴顧一望吳郡陸二望朱四望張十四望梁氏所重三姓皆吳郡耳十姓之外當為劉二十五望而彭城最貴其先陶唐氏也蕭二望蘭陵最貴趙五望天水最貴上聲也今鮮知之楊二望弘農為貴周八望陳徐皆六望唐五望

復姓以官名其著者司馬司空司城司徒司寇司功宗伯宗正太師少師將軍冠軍太史南史內史左師

右師太祝樂正宗正少正褚師連尹清尹占尹尚方將軍右行右宰

復姓之異者有彊梁會同蹄氏終利恭氏終葵氏莪眷

氏熊率且比空桐氏空相氏公有定公玉帶公扈滿意

公輸班公牛哀支離益彌且婆觸墨夷須默台峯涉

其帑承盛祝其承盛傳其義行其氏長魚矯脩魚氏林閭

翁孺將閭氏辟閭彬無鉤氏茲母還綦母張巨母霸

多于氏闔于氏須遂氏朱坪漫胡母氏胡非氏肩吾

子北人氏屋廬子盧蒲弊豆盧革宥連氏闔門氏闕

門慶忌氏刺門氏魚孫瑋經孫氏干已衍端木賜車遽

門慶忌氏刺門氏魚孫瑋經孫氏干已衍端木賜車遽

大夫瓜田儀茄羅氏夙沙衛昭沙掉尾鮭陽鴻羊角

哀強梁臯卜梁猗盆成括苦成郤犇老成方鉛陵卓

子勝屠公周生烈狐丘子林曼丘不擇壯丘勝蛇丘

惑章仇大翼彌平氏豈侯儒白侯子安栢侯焦工婁

洒贛婁子精婁氏邾婁氏沈平猶氏金留氏三鳥大

夫二州氏函冶子覺青史氏侯史光武安恭武強氏

古冶氏古口引五鹿克宗五鳩盧罕井氏浩星公

浩生不害左行恢滅馬矢官即太馬適育乘馬延年

巫馬期壤駟赤長兒魯右行綽右扈氏九百里九方

臯醜門于第義渠安國邯鄲淳中行說季瓜忽第五

倫第八氏大狐氏大心子成大羅洪空相機慶忌氏

沐簡氏漆雕開密茅氏羊舌肝斫胥氏落姑仲異落

下闕伯夫氏赤張枝石牛氏卽墨成北人無擇邑田

氏若虜姓所不暇載也

漢有成功恢禹因禹治水成功而少子遂以為姓有

投壺氏因中行穆子相晉侯投壺而生子因以為姓

因子產稱鄉校為師遂曰校師氏以趙衰冬日可愛

曰冬日氏伊尹生空棗曰空棗氏微子乘白馬入周

曰白馬氏三飯氏三飯繚之後大可笑也梁伯鸞自

改為運期氏後人以伯鸞為先者非真梁也

大約得姓之貴者毋過於我 朱及劉李趙也

明朱姓自 高祖於今十三帝矣真王代傳前後不下四百郡王將二十倍之矣又有閏帝二則梁太祖父子也劉氏四百餘年至昭烈父子二十二帝其間真王代傳以千計列侯以萬計南宋九帝五代漢二帝北漢三帝南漢三帝劉淵劉曜弗論也李氏自唐高祖以至末帝凡十八帝南唐後二帝一國主趙與嬴同姓嬴三帝三王宋十七帝中間親王將相各以百千計其次則蕭氏齊梁一族前後凡十帝親王將相亦各百餘人及唐而宰相至八葉故非他姓可擬

也

梁時朝士有姓吉者謁尚書令何敬容卒問曰君於丙吉幾世矣答曰如明公之於蕭何一時傳以為笑愚以為未可非也韓退之作諱辨以騏期杜度嫌名為辨愚以為不必辨也如夏啓之後曰啓帝沃丁之後曰沃黃帝相力牧之後曰牧相倉頡之後曰頡冷倫之後曰倫八元伯奮之後曰奮仲堪之後曰堪叔豹之後曰豹顓帝子老童之後曰童八凱隕斨之後曰斨叔曰斨叔達之後曰達大臨之後曰臨虞相龍之後曰龍殷相巫咸之後曰咸傳說之後曰說周內史服之

後曰服后稷孫鞠之後曰鞠周大夫史篇之後曰篇
卿士樊皮之後曰皮王子朝之後曰朝王子狐之後
曰狐大夫封昔之後曰昔魯公子展之後曰展公孫
茲之後曰茲季孫夙之後曰夙大夫端木賜之後曰
賜費宰南遺之後曰遺大夫仲述之後曰述孔門琴
牢之後曰牢晉大夫卻犇之後曰犇號射之後曰射
傳槐之後曰槐先且居之後曰居畢萬之後曰萬
狼暉之後曰暉師曠之後曰曠匠麗之後曰麗鄭穆
公蘭之後曰蘭公孫印段之後曰段公子豐之後曰
豐公子然之後曰然衛出公輒之後曰輒公子郢之

後曰郢齊太公望之後曰望太史激之後曰激公子
駱之後曰駱大夫童刁之後曰刁楚子鬻熊之後曰
熊太子建之後曰建大夫封渦之後曰渦叔山冉之
後曰冉屈到之後曰到鬻拳之後曰拳宜僚之後曰
僚宋微仲衍之後曰衍公子樂父之後曰樂大夫猛
獲之後曰獲華耦之後曰耦吳相伍員之後曰員趙
相虞卿之後曰卿以至倉頡勾龍陸終飛廉季隨季
騶意如夷吾慶忌將具嬰齊棄疾目夷庶其祝其偃
師之類直取其名為氏此皆三代之人將何所諱耶
然則敬容殊不難答但初問為可笑耳

魏孝文下詔謂北人謂王為拓后為拔魏之先出於黃帝以上德王故為拓拔氏土者黃中之色萬物之元也宜改姓元諸功臣舊族自代來者拔拔為長孫達奚為奚乙旃為叔孫賀魯為周賀葛為葛是婁為高叱盧為祝口引為冠如稽為緩去斤為艾是賁為封叱奴為狼吐難為山古引為侯出連為畢乞扶為扶那婁為婁是連為連侯畿為侯又為畿可單為單紇骨為骨脊盧為脊莫干為郃屈突為屈侯亥為亥賀兒為兒叱利為利叱李為李柯拔為柯叱羅為羅那莫為莫莫輿為輿費連為費費羽為羽黠弗為弗

莫盧為盧爾綿為綿解毗為毗奇斤為斤統萬為萬統嵇為嵇安遲為安輶遲為展秘邗為邗若干為苟咎盧為咎如先為如渴侯為紙拔略為蘇紇干為干乙弗為乙步弗為步屋引為房車焜為車普周為周高護為李薄奚為古吐移亦為古係前賜茂眷為茂又為眷莫蘆為蘆又為盧丘林為林又為丘丘敦亦為丘副呂為副又為呂叱丘亦為呂叱賴菟賴俱為就溫狐溫盆俱為溫阿伏阿賀俱為阿紇單紇奚俱為紇利真楚婁俱為高是云是奴俱為是蓋婁疋婁俱為婁侯力與侯力代俱為鮑又侯力代為侯烏丸與

阿鹿桓俱為桓可地與可地延俱為延侯奴與侯伏
斤俱為侯又侯伏斤為斤費羽弗羽俱為羽黜弗燕
弗鐵弗俱為弗吐門叱門庫門俱為門阿單渴單俱
為單悉雲宥連俱為雲賀蘭賴氏俱為賀吐谷渾為
渾侯呂隣為呂步六孤為陸丘穆陵為穆阿伏干為
阿普陋茹為茹拔烈蘭為梁烏落蘭為蘭宿六斤為
宿庫若干為干扈地干為扈地駱拔為駱郁原甄為
甄若口引為寇破多羅為潘破落那為那步鹿如為
鹿阿史那為史沒路真為路譬曆辰為辰紇突隣為
隣骨咄祿為祿大利稽為郃大洛稽為稽侯伏斤為
伏壹斗眷為明步鹿斤為步獨孤渾為杜庫儻官為
庫奚什盧為盧渴燭渾為朱莫胡盧為陽温石蘭為
石烏石蘭亦為石又為烏萬鈕于與勿忸于俱為于
沒鹿回與紇豆陵俱為竇獨元既為帝姓而紇骨與
是云及景氏俱為元所不可曉

帝雅重門族以范陽盧敏清河崔宗伯滎陽鄭義太
原王瓊四姓衣冠所推咸納其女以充後宮隴西李
沖女亦為夫人詔司徒左長史宋弁定諸州士族多
所升降又詔以代人穆陸賀劉樓于嵇尉八姓自太
祖已降勲著當世位盡王公者且下司州吏部勿充

猥官一同四姓自此以外應班士流者尋續別敕其
舊為部落大人而皇始已來三世官在給事以上及
品登王公者若本非大人而皇始已來三世官在尚
書已上及品登王公者俱為姓其大人之後而官不
顯者本非大人而官顯者俱為族令司空穆亮尚書
陸琇等詳定務令平允因下詔為六弟聘室前者所
納可謂妾媵咸陽王禧聘故隴西李輔女河南王幹
聘故郡穆明樂女廣陵王羽聘滎陽鄭平城女潁川
王雄聘故范陽盧神寶女始平王暕聘隴西李冲女
北海王祥聘滎陽鄭懿女衆議以薛氏為河東茂族

帝曰薛氏蜀也豈可入郡姓直閭薛宗起執戟在殿
下出次對曰臣之先人漢末仕蜀二世復歸河東今
六世相襲非蜀人也陛下黃帝之胤受封北土豈可
亦謂之胡邪今不預郡姓何以生為乃碎戟於地帝
徐曰然則朕甲卿乙乎乃入郡姓仍曰卿非宗起乃
起宗也唐貞觀中上命吏部尚書高士廉黃門侍郎
韋挺禮部侍郎令狐德芬中書侍郎岑文本撰氏族
志上之先是山東人士崔盧李鄭諸族好自矜地望
雖累葉陵替苟它族欲為婚姻必多責財幣或捨其
鄉里而妄稱名族或兄弟齊列而更以妻族相陵上

惡之命士庶等徧責天下譜牒質諸史籍考其真偽辨其昭穆第其甲乙褒進忠賢貶退姦逆分為九等士廉等以黃門侍郎崔民幹為第一上曰漢高祖與蕭曹樊灌皆起閭閻布衣至今推仰以為英賢豈在世祿高氏徧據山東梁陳僻在江南雖有人物蓋何足言况其子孫才行衰薄官爵陵替而猶印然以門地自負販鬻松檟依托富貴棄廉忘耻不知世人何為貴之今三品以上或以德行勲勞文學致位貴顯彼衰世舊門誠可足慕而求與為昏多輸金帛為彼偃蹇我不知其解何也今欲釐正差訛捨名取實而

卿曹猶以崔民幹為第一是輕我官爵而徇流俗之情也乃更命刊定專以今朝品秩為高下於是以皇族為首外戚次之降崔民幹為第三凡二百九十三姓千六百五十一家頒於天下高宗顯慶四年改氏族志為姓字錄許敬宗等以其書不敘武氏本望奏遣禮部郎中孔志約等比類升降以后族為第一等其餘悉以官品高下為準凡九等士卒以軍功致位五品豫士流時人謂之勲格初太宗脩氏族志山東著姓例降一等王妃主壻皆取勲臣家不議其族而魏徵房玄齡李勣皆盛與為昏左右之由是舊望不

減或一姓之中更分某房某眷高下懸隔李義府為其子求昏不獲恨之故以先帝之旨勸上矯其弊壬戌詔後魏隴西李寶太原王瓊滎陽鄭溫范陽盧子遷盧渾盧輔清河崔宗伯崔元孫前燕博陵崔懿晉趙郡李楷等子孫不得自昏姻仍定天下嫁女受財數然族望為時所尚終不能禁或載女竊送夫家或女老不嫁終不與異姓為昏其衰宗落譜昭穆所不齒者徃徃返自稱禁昏家益增厚價

北史長孫嵩傳止言父仁為南部大人初名沙莫雄號拔拔氏而不言與魏同族無忌傳亦不載及考唐世系表乃知仁即鬱律長子什翼犍之兄而珪之伯父也按魏與功臣世世為婚而嵩及道生為道武三代功臣之首無通姻皇族者亦可推矣第宗室傳凡神元昭穆之後即陳留衛王其裔皆疎於嵩而嵩獨別賜氏不隸屬籍何耶又考本紀但言什翼犍為鬱律次子不言沙莫雄而世系所傳必有據今世長孫與元氏婚恐不能免不避宗之譏也

宰相系又言道武時以嵩宗室之長故曰長孫氏孝文以獻帝長兄為紇骨氏次兄普氏為周氏又次兄為達奚氏又次兄伊婁氏改婁氏又次兄為達奚氏

又次兄敦丘氏為丘氏又次兄俟氏為万俟氏叔父
之後乙旃氏為叔孫氏疏族車焜氏為車氏曰十姓
不知何緣不稱拓拔及改丘氏及據孝文改達奚氏
為奚氏不應又有達奚皆不可曉

周文賜功臣姓氏寇洛若口引李弼徒何趙貴乙弗
楊忠普六茹辛威普屯王盟拓王李虎大野王雄可
頻陸通步六孤劉亮侯莫陳王勇庫汗楊慕莫胡虜
楊紹叱利王傑李和俱宇文耿豪和稽侯植賀屯實
熾紇豆陵王軌烏丸樊深萬紐于段永尔綿韓褒侯
呂陵田威紇干蔡祐大利稽陰氏立目陵張氏叱羅
周氏車非按周文用蘇綽改建六官而反孝文之所
改姓仍為虜大可笑也

南史俞姓在江東最為寒族梁武欲加俞藥以口為
喻力辭而止且曰江東俞錢無君子姓不可不改也
大抵六代重門第故以蔭敘為崇唐宋重學業故以
科第為重

魯昭公娶吳同姓謂之吳孟子貽譏千古劉聰雖淫
慝其取劉殷女本非同姓也若劉孝武納叔父義宣
之女而改姓殷尤可耻矣宋志高麗王女下嫁必歸
之兄弟宗族至其王徽尚仁恕讀書好士而不肯改

其俗怒其次子運諫謫之今不知何如也

楊萬里談晉于寶一吏取禮部韻書下注晉有干寶以進曰乃干寶非于也楊大喜以為一字師然余家所藏宋板晉書文選俱作于寶于令升及搜神記周禮注亦俱作于無有稱干者胡承之以為字畫相沿之訛而取干子書為證按春秋有干犢後漢有干吉寶豈其後耶然漢亦自有于定國馬知寶之不為其後也陸法言廣韻止引干犢而不及寶何法盛晉書稱寶撰晉紀及搜神記而不及干子恐未可據

惲紆憤切上聲也吾同年惲少叅光世往往呼作運音然姓苑所不載必當作上聲又凌氏今俱作凌按廣韻凌氷凌也姓苑不載於凌韻註曰歷也水名出臨淮又為姓引吳將凌統然則今當作凌不宜作凌也姓苑廣韻皆宋板可據而三國志凌統傳又作凌俟更詳之蹇不載姓苑而下有蹇字音義同註曰姓也蜀人有之然則自蹇忠定而後皆當作蹇春秋蹇叔亦應作蹇傳寫之誤耳

有以罪改姓加以醜惡者漢馬何羅作逆馬后改為莽氏南齊巴陵王子響抗命改蛸氏梁豫章世子直以父綜逃魏改悖氏武陵王紀以僭改饗饗氏隋楊

玄感以反改梟氏唐越王貞紀王慎以不從武后改
虺氏武后復改王皇后蟒氏蕭淑妃梟氏武惟良虺
氏中睿朝成王千里虺氏竇懷貞毒氏新興王晉厲
氏

古者六畜不以名隱疾不以名而亦有不盡然者今

聊記於後如晉侯魯侯俱姬牛衛史狗司馬狗漢列

侯劉狗魏樂羊鄭伯姬蠹又公孫蠹楚將昭鼠宛射

犬榮駕鵝齊張狗敬兒初名魏皮豹子唐李猪兒北齊趙

野又元魏元野又即元又弟羅刹周公姬黑肩晉侯

姬黑鬻衛公子姬黑背魯侯姬黑肱楚襄尹子黑腰

列子記黑卯元魏將軍楊大眼傳豎眼術士顏惡頭

此外又有名不善者周公忌父周侯毀隃差弗天王

泄心齊侯不辰越王不壽鄭伯髡頑曹伯射姑楚王

棄疾晉侯詭諸潞子嬰兒齊侯無知又魏無知邾子

蘧除齊侯杵臼曹伯負芻羊食我魏醜夫宣太后所愛也尤可笑

丁外人蓋公主所愛單愆期蘇忿生舞陽侯樊市人武

強侯嚴不職乘丘侯劉將夜深澤侯趙將夕闕氏侯

馮解散共侯依罷師成侯董罷軍新市侯王弃之楛

侯陽城戎奴將軍任農夫單名晉侯姬仇姬驕衛侯

姬惡卿石惡魯侯姬讎蔡伯姬荒大夫公孫痤秦相

齊州山人稿 卷之三十一 世經堂列

樗里疾卿狐毛卿晏弱又離侯鄧弱參戶侯劉免郁
垠侯劉驕山原侯劉奔距陽侯劉丐東陽侯劉縱高
苑侯丙猜又嚴侯許猜平侯工師奴又黎侯召奴子
侯潰捍侯温芥又高安侯酈芥宋子侯許癡音熾桀溺
盧醜邾疵趙奢鄒忌

灌夫人之祖姓張衛青之父姓鄭胡廣之父姓黃嵇
康之父姓奚文彥博之祖姓敬本非僻史然問之人
不能知也

匈奴單于姓攣鞮氏其大臣曰呼衍氏蘭氏須卜氏
其後冒漢姓為劉氏又為赫連氏遠屬為羯曰石氏

俱稱帝在遼東塞外為宇文氏後周太祖出此在北涼為沮

渠氏鮮卑其先有熊氏後最盛其在燕為慕容氏在

魏為拓拔氏皆稱帝在隴西為乞伏氏河西為禿髮

氏皆稱王慕容之先吐谷渾蠕蠕郁久閭托跋氏高

車一云匈奴種有狄氏袁氏斛律氏斛批氏異氏奇

斤氏其族有十二姓泣伏利氏叱盧氏乙旃氏阿崙

氏莫允氏侯分氏副伏羅氏乞表氏右外沛氏突厥

阿史那氏薛延陀壹利吐氏契丹世里氏華言耶律回紇

一云匈奴種藥羅葛氏沙陀初無氏後冒李為後唐

韃靼為奇渥溫氏帝中國曰元此北虜之盛者也女

真為完顏氏稱帝曰金此東虜之盛者也羗種為姚氏帝後秦楊氏王仇池氏種為蒲氏又為苻氏王秦吐蕃宰敦野氏此西虜之盛者也
匈奴之先稱夏后氏鮮卑慕容索虜拓拔之先稱軒轅氏苻氏之先稱有扈羗姚氏之先稱有虞女直之先稱肅慎或傳或真未可必也

蒙古七十二種

阿刺刺○扎刺兒歹○忽神忙兀歹○瓮吉刺歹○晃忽攤○永吉列思○兀魯兀○郭兒刺思○別刺歹○怯烈歹○秃別歹○八魯刺忽○曲呂律○也

里吉斤○扎刺只刺○脫里別歹○塔塔兒○哈答吉○散兒歹○乞要歹○列木歹○顏不花歹○歹列里養賽○散木兀歹○滅里吉歹○阿大里吉歹○兀羅歹○別帖里歹○蠻歹○也可抹合刺○那顏吉歹○阿塔里吉歹○亦乞列歹○合忒乞歹○木里乞○外兀歹○外抹歹○阿兒刺歹○伯要歹○担吉歹○外刺歹○末里乞歹○許大歹○晃兀攤○別速歹○顏不草歹○木溫塔歹○忙兀歹○塔塔歹○那顏乞台○阿塔力吉歹○忽神○塔一兒○兀魯歹○撒木歹○滅里吉○阿火里力歹○

扎馬兒歹○兀羅羅歹○別帖乞乃蠻歹○荅荅兒
歹○也可林合刺○瓮吉歹○木里歹○忙古歹○
外秣歹乃○朶里別歹○入憐○察里吉歹○八魯
忽歹○哈荅歹○外刺

色目三十一種

吟刺魯○欽察○唐兀○阿速○秃八○康里○苦
里魯○刺乞歹○赤乞歹○畏吾兀○回回○乃蠻
歹○阿兒渾○合魯歹○火里刺○撒里哥○秃伯
歹○雍古歹○蜜赤思○斡力○苦魯丁○貴赤○
匣刺魯○秃魯花○哈刺吉荅歹○拙兒察歹○秃
魯八歹○火里刺○甘木魯○徹兒哥○乞失迷兒

金人姓氏

完顏漢姓曰王○烏古論曰商○乞石烈曰高○徒
單曰杜○女奚烈曰郎○兀顏曰朱○蒲察曰李○
顏盞曰張○温廸罕曰温○石抹曰蕭○奧屯曰曹
○孛术魯曰魯○移刺曰劉○斡勒曰石○納刺曰
康○夾谷曰仝○裴滿曰麻○尼忙古曰魚○斡准
曰趙○阿典曰雷○阿里侃曰何○温敦曰空○吾
魯曰惠○抹顏曰孟○都烈曰強○散荅曰駱○呵
不哈曰由○烏林荅曰蔡○僕散曰林○术虎曰董

○右里甲曰汪

舟州山人四部稿卷之一百六十七

